

求是堂詩集

求是堂詩集卷十七

東瀛集

涇縣

胡承珙

墨莊

將之延建邵道任留別同人

銷寒幾度耐嚴冬
吹轉春風意轉慵
別恨恰當花事好
宦情那及酒痕濃
浮沉客難東方朔
止足吾思邴曼容
最是平生禪社侶
不堪初聽隔城鐘

走馬蘭臺祇自憐
一麾江海路茫然
懷人有夢來天上
經世何心看鬢邊
才退中年思學道
病當小劇愛歸田
無端又逐飛蓬轉
漂泊憑誰問宿緣

官燭從今照簿書
渭城欲唱自嫌麤
仙山鶴駕空回避
神

物龍津定有無歲課聊充茶戶長生涯
遑問橘洲奴風塵
湏洞知何極清鏡還應認故吾

君恩原許俸錢支草草輕裝也費治殘帙
却煩兼兩載宿
逋猶剩數篇詩浮雲身外吾何有春水生
初去轉遲贏得
故人多聚首一回差勝百相思

出都度盧溝橋

萬樹垂楊柳依依送客旌浮雲高

帝闕芳草緩王程野氣蒸沙暖春陰罩水明
危欄憑望久
驅馬十年情

兗州道中遇雨宿中山店次壁間韻

相逢歸雁問程賒
細雨隨風幾陣斜
望望長亭心欲折
搖搖短夢眼生花
油衣滲透原非瓦
麥飯炊忙半是沙
且喜安身猶有法
茅檐橫榻便如家

界河驛次壁上韻

星飯霜衾且未閒
驟車夢醒又看山
齊風有意欺衰髻
魯酒無功換好顏
倦鳥南枝何日到
哀鴻東國幾家還
濟時心力空拋却
碌碌今休笑抱關

滕文公祠

馳馬佳公子行仁欲自強大賢才豈霸小國道猶王古廟空籩豆遺民尚井疆七雄灰滅久誰爲弔興亡

馬蘭屯道中喜晴

重陰迷野似襄城忽捲氛
霾放好晴白水縱橫嗟舊
澇青疇翻動認新耕頻聞
曉樹呼鳩切乍試春衣上
馬輕畢竟東風好相識爲
余吹斷滴簷聲

官湖旅館小憩

平湖行盡處此地暫勾留
岸舫軒窗淨盆山草木幽
烹茶邀過客炊黍餉春疇
二頃如堪辦浮生我亦休

徐州道中大風望駱馬湖作

東風吹客鬢飄蕩不堪尋
曉色征衣溼春寒水國陰
天低看鵲沒湖近覺龍吟
鰕菜扁舟穩無人識此心

雨行順河集

一線長隄萬頃疇垂鞭三日古徐州水雲遮路渾疑斷春
樹籠烟半欲浮密雨只應滋麥隴好風端爲送糧舟平生
憂樂關何事敢怨行程苦滯留

無錫贈韓大令

履罷同年

桑枝欹葢麥苗稠手種垂楊可繫舟沙鳥也知官長好釜
魚猶爲故人留家遙秦嶺雲千疊客散梁谿月一鉤久酌
山泉應有味知君不願博涼州

千里黃塵積滿胸漪瀾堂畔且從容那能坐嘯如成瑨豈
待行客識魯恭陽羨田多無計買延津劒去幾時逢風煙

北焙知何似他日相思寄箬籠

爲李蘭卿舍人題小雪浪石

萬古仇池穴三生碧玉壺我行渡東海君住近西湖

此石君得

於榕城西湖之上

雪浪空庭湧雲箋縮本撫

君曩有縮摹雪浪盆銘詩箋

乘風

早歸去攜此問清都

將往臺灣次韻蘭卿贈二首

觚棱昨夜夢瀛洲蹤跡無端出九州
歷歷風烟諸島碎茫茫星斗四天浮
題詩剩欲誇奇觀報國何曾効細流
回首中原青一髮祇應西北倚高樓

跼跼飛鳶墮海烟天涯只在片帆前
勞生尚欠當歸藥浮

世原如不繫船偶學泥鴻留爪印

君齋中小雪浪石予曾題名其上

仍隨

櫪馬聽牙絃故人珍重臨歧意香火尋盟更幾年

守風崇武澳

吾道自滄洲平生此壯游春陰低衆嶼水氣鬱孤舟巨桴三年釣清波萬里鷗樵風如可借身外更何求

辛巳二月二十六日鹿港登岸

千騎東方且莫論牧童迎我海邊村新甃雨足鬚尤茁老樹風多頂盡髡地下有懷輸蟣蝨天涯無興寄鵬鯢去年今日車箱夢瘦馬頻嘶出國門

彰化道中

曉雨細悄悄春寒晝屢陰征衣饒海色詩句換蠻音生事
依諸蔗人家恃竹林臺地多以竹爲垣堅密勝牆壁歸耕無計得慚愧勸
農心

食荔枝

秦皇漢武未聞道海上那得如瓜棗獨有仙人冰玉膚沐
雨籠烟住瑤島我來海國春正中屋角如火扶桑紅心知
絕世在空谷仿佛夢到扶荔宮朝來有酒溱螺盃眼明見
此蘋虬卵龍女金支爍有光鮫人火齊堆無算藍紅江綠
漫復誇傾城風味自一家餐芳頓欲換肌骨忍俊誰能惜
齒牙十年前以前無此物臺地曩不產荔枝近始有之銜子飛來煩海鵲

天公著意厚窮荒應遣分甘到鈴卒萬事灰心杜牧之罪
言自著少人知揭來正值成陰候只合茲游爲荔支

衙齋偶成

小庭風細蝶依花日午黃蜂亦散衙豈有不平鳴蜥蜴

臺地

蜥蜴鳴聲如雀

未知何事鬧蝦蟆偶緣礙足思鋤草莫爲傷脾便

毀茶樹影微欹殘夢醒渾忘身世在天涯

斐亭即事

旋汲清泉滿舊池徧尋異蘂得新知未堪謝客呼山賊且
學樊須作圃師滄海此亭原粒粟青天終古自游絲閑來
掃地焚香坐也算平生一段奇

扶桑花

金烏萬里翔逸駭踏折桑枝落東海胚胎元氣成扶疏鍛
鍊陽精蓄光采稠條沃葉牆東隈燒空擎出瑪瑙杯紅絨
一線燭龍吐丹砂萬片金鑪開呼工調脂不敢畫認取蟠
根出天外羲轡應從此地升羿弓定自何年掛見說長春
歷四時斜槎倒插足生機轉瞬榮華羞似槿向陽心事本
如葵無端流落魚鼈國却被時人妄品題

綠珊瑚樹歌

臺灣志云綠珊瑚有枝無葉嫩翠叢生狀如珊瑚
甚脆折之有毒漿沾人肌膚輒爛人家及村墅徧

植之爲藩蔽與絲簦刺竹同功

龍工胡爲不自惜琪樹琅玕擲千尺棄置人家溷厠間牛

欄難棲恣狼籍世人但羨山水赤石上蟠根多不識

述異記珊

珊生海底碧色出水始紅故將本色示人間任使看朱亂成碧頗聞此

樹含毒漿樊圃可止狂夫狂願金如聚馬如羊使君歸去

垂空囊明珠惹以多謗傷安用綠玉枝交相酒酣起舞鐵

如意七尺珊瑚等閑碎

澄臺晚眺

寂歷斜陽上麗譙微茫一線鹿門招

鹿耳門外暗沙甚多舟人插標以識謂之

招有南招北招小園種樹剛春雨暇日登樓又晚潮公子風標看

白鷺美人名字記紅蕉天涯滋味蠻鄉景賴有詩情耐可銷

異味

異味諳蠻俗清齋便瘴鄉龍涎薰茉莉蜃炭醉檳榔杯口

銜鸚鵡

螺杯色碧如鸚鵡故名

盤心釘鳳皇

臺人嗜黃梨謂之鳳皇梨

南烹聊自

詫終比啖蛙強

聞孫平叔同年移藩粵東

平生好在紫髯翁此別無因執琰同去路月明千里外交
情雨散一年中甘棠舊港依然綠荔子連山不斷紅試上
朝臺定回首故人猶滯沃焦東

君才似海常宜近我計歸山苦未能王式不來應有以淮
陽非卧所能勝偶看芳草思蛩駉漫向秋風較鷓鴣留取
懷中書數紙相思時與剪青燈

秋杪同人至東湖久慙歸過黃園飲於韓家園二首
海國秋光遲出郭試一訪野花猶有香碧草渾無恙十里
見澄潭環流抱清曠樹簪隄外影山眉鏡中樣一篙劃空
明水雲互搖漾可惜在蠻村好景付盂浪是時風日佳晴
波綠猶漲見說湖畔田餘潤資醞釀耕餘供牛租釣罷足
魚餉西顧語海若回面漫相向萬里安用馴一漚自神王
吾儕洗眼來未要煩供張非無白接離所欠黃篴舫地偏

暫勾留興逸轉惆悵何當明月夜還來聽漁唱

清風不入城送我到東郭城隅幽僻處修竹好籬落誰家
數畝園一徑通略約亭池未斷手黃壚已寂寞

時黃園主人已歿

韓園稍高敞位置苦參錯清泉更宜引馥樹須一廊草堂
迴向南茅亭尚待縛一笑悔多事無人孰商榷且效袁丹
陽徑造不須約雖無盪雲胸終勝插塵腳竹裏安行厨深
杯競斟酌醉卧君莫辭流光不可捉夕陽散林影送客噪
雙鵲攔街唱銅鞮兒童手空拍醉翁名釀泉癡兒覓快閣
自非謝幼輿誰宜置邱壑

張珣瑀明經來郡數日旋回嘉義

共有乘桴興會遠作伴歸海雲供畫本番雀識儒衣

臺地有雀

似脊令者番人謂之蠻在爲我爪期誤勞君鶴夢違衙齋似僧舍歲莫

好相依

白髮悲何限

君近悼亡

青瑣計尚疏安心原是藥引睡可無

書園吏今爲蝶溪翁昨獻魚加餐須努力贏得腹如壺

立冬前一日蓋碧軒

方泌

太守招同音健齋

登額

總

戎集鴻指園看菊因以酥和菊葉煎食之

何必騷人嗅落英攀條擷葉試新烹鴻園拂石秋還暝燕
寢凝香晚更清插帽不妨開笑口持螯端足了浮生爲君
醉草天隨賦合占滄洲吏隱名

與碧軒太守夜話有感賦贈

四座且勿語爲君停舉杯問君從軍有何樂君言痛定猶
餘哀憶昔黃巾遍秦隴晝磨盾鼻宵銜枚連營傍山寨谷
口忽然飛雹如李梅馬牛斃野大木拔暴流怒發聲喧湫
是時危坐待沒頂詎料雨歇濤頭回軍行偶爾得空舍解
鞍暫憩無疑猜門前遺火竟誰厝烟燄已及硝磺堆倉皇
欲出不得出頃刻將化昆明灰以裘蒙首急伏地大聲一
裂如轟雷焦櫟爛瓦不知處面目無恙粘青苔平生絕險
此二事廿年首白難重回聽君語罷起長歎不經困厄無
良材人生萬事有司命水火不殺商邱開即今無事撫髀

肉上頭千騎東方來塞馬久應識倚伏海鷗何用生俳侗
爲君引滿浮大白有酒不飲胡爲哉

西螺柑

橙黃橘綠一天愁賴有嘗新慰滯留欲寄書題三百顆故
人多在海西頭

露葉烟枝傍水涯洞庭春色漫相誇素羅雙帕無由致不
及金盤進

御仄臺地西仄味殊不佳國
初會以充貢見郡志

病中

一念新羅已杳然賈胡留滯忽經年憑陵赤坂疑無地指

點滄溟直際天豈有奇文誇海外獨饒新病怯尊前蠻花
狔鳥猶知我客裏相看倍可憐

半舫偶題

荒城斗大賦山囚却有窪尊似道州砌畔花開羅漢面

花曇

一本抽十八莖人以爲當十八應真之數窗前果結釋迦頭

果磊塊如佛頂故名

何人爲

下常懸榻此屋原如不繫舟歸去茅檐閑炙背烟濤還與

話瀛洲

檳榔筍

檳榔初出土一二尺許如竹箭外苞籜中膚白而
娛味如筍煮食甚美臺人三四月間取之用相餉

遺云

青于和灰曾代茗

鮮欖柳臺人謂之青子

白肪包籜復中蔬蠻鄉風

味新奇劇坡老徒誇食木魚

消食平生不諱飢書來何事戒冰脾

有言此物性寒不宜多食者

蔗霜

筠醬殊嫌膩芒角枯腸此最宜

烟雨蒼茫暗一林長饒木柄欲相尋無因却致韓康伯
根觸中原萬里心

大湖行館

候館誰牽馬行厨祇食魚異花驚絕域修竹憶吾廬
木客催尋藥波臣託致書一漚如許借自足不求餘

喜雨

誰言井底泉能應海上波但看園中花足知田間禾井枯
少涓滴花薦無婀娜顧此不足道將奈吾民何昨來走羣
望所惜冤白鶯事急一投牒祇恐遭神訶竟獲允所請諒
我誠匪佗枕上聞淅瀝疑是風聲訛三更疏點布四更急
陣過披衣起清曉砌下成滂沱澄臺一以望海雲高差幾
雷聲起何處隱隱鳴潛鼉郊原雜青碧但見笠與蓑灌瓜
泯楚蠶插秧學吳歌即我不耕食所得亦已多長我舊栽
菊活我新種荷書池玩蝌斗畫壁憐蝸贏魚游意已忘鳥
號聲更和詎惟慰勤望並欲捐煩疴呼奴酌白酒勸客金

巨羅

齒落

香烟不盈寸午夢忽已醒漱口承落齒蟲穴嵌瓏玲前時
輔車動輒虺久不甯今茲無所苦豁如脫關扃因之悟化
理氣侯如毒亭蠻方乏霜霰冬卉繁郊垌亦有舍旁樹一
歲葉再零道署有樹葉似榕亦有實春秋兩度落葉復生問之老卒皆不知其名時至自勃
鬱氣散無留停人生非草木造物勞我形况復煎膏油自
燔以出馨不如捫吾舌默坐存黃庭所惜編貝狀漸次成
零星存者鋒亦敝干莫非新硎大戟與硬餅競欲欺伶俦
稍遲更缺落飲乳空餘腥急須爲苦筍脫此青衫青

新得荔枝一聲即夕邀客食之

山雨頻催梅子熟海風新送荔枝香試看神女肌如雪休

問麻姑髻欲霜窮髮加餐聊自慰攢眉勸客且須嘗

時未甚熟

味尚酸

天涯豈易逢尤物未害風流在瘴鄉

恨無玉版謁尊師

臺地筍殊不佳

常笑金盤薦穆之但劈輕紅搖

食指還浮大白沁詩脾閑來種樹能通術果欲歸山豈待

貲信是南游專爲口滯留江海已多時

小眠齋口號

半穗香烟萬念灰小眠初醒一編開何人肯復哀吾老正

用此時持事來

即事

一編入手百憂空
讀罷追涼小苑風
芳草意隨行處綠
離支顏勝去年紅
今歲臺郡荔實大盛其佳者不減內地
爭田漸解聽蠻訟
伐木閒思課隸功
更上澄臺聊極目
嬾將身世問飛鴻

盆中白蓮

何必峰頭十丈懸
一枝風物便鮮妍
滄溟萬里休嫌濶
歸去堪乘太乙船

汲井埋盆笑學韓
經旬未得一花看
輸他老卒探驪手
喚出馮夷捧玉盤

此花係鈴卒所種

已是淤泥不染身
肯教脂粉浣天真
有情無恨纔能爾
未

許龜蒙作解人

餞臘迎涼竟未休

臺地荷花四季皆開張鷟洲侍御有荷花送臘菊迎年句

無端詩思

動滄洲年光付與花光送準擬舫船恣拍浮

後二日端午

出郊至船廠督修戰艦

十年人海任沉浮漫浪無端出九州正合與官充水手未
妨呼我作遨頭生涯擬託莊周瓠歸計猶虛范蠡舟枉說
癡兒能了事不知身世尚悠悠

春初種藕池中久不出葉後稍稍出而不繖以爲花

已無望矣五月間忽發兩枝皆紅色一枝中含雙

朶如重頭然一則中分三萼形類品字瓣皆表大

而裏細色則外淺而內深苞裏重疊附鄂分明此
種曩所罕見詩以紀之

江上多夫容胡爲汎瀛海迂哉任公子坐釣知幾載六鼇
骨已霜蓬萊竟安在小池深尺餘枯萍黏礪碗汲井疏清
泉種藕將有待經月無田田頗疑圃師給徘徊重裛裛得
葉吾不悔詎知曉鏡中兩枝茁蓓蕾絳裙足連跗細苞玉
三采翡翠巢雙棲鴛鴦翼交綵偉哉造物者殷勤意無怠
默識種花心事半償且倍我無錦十重又乏珠百琲惟應
遂初衣芰製紉蘭茝旁觀見未曾異種得毋乃花樣競翻
新一笑付眞宰回看修竹林四序色不改

重陽前五日有饋蟹者時予病小愈約同人持螯把

酒爲樂

平生注爾雅蟲魚競細碎一爲捧檄行此事悄然廢况兼
嬰痼疾伏案氣輒礙遂欲棄筆研忽如農舍耒終夕守一
鐺此腹成藥碓秋風海上來涼應蘇病肺黃花雖未繇綠
橙已可愛朝來食指動寒蒲束幾輩郭索非惡聲蹢躅有
餘態老饕興忽狂忍俊不容耐檢點尖團形商量椒薑配
排日飲亡何屈指佳節逮異鄉風味惡賴有故人對小愈
自宜防大嚼未敢快庶無勸學誤差免雕蟲悔一觸江湖
心扁舟渺鰕菜

戲詠樹上白頭翁

翁姥相呼意轉親江東子布漫生嗔伯符公瑾俱天折到得白頭能幾人

鳳山道中

一縷上炊烟連村欲暮天竹林風掃禿谿石浪淘圓埤長分泉約臺地水泉設立埤長司民田灌溉之事巫師劇社錢獨憐冬候暖秧

碧已平田

贈鳳山大令杜少京

紹祁

雲海光中絕點埃衙齋山色半屏開傳家唐律詩千首

君家

叩彈集原板尚存

作吏蠻方水一杯香稻剩留鸚鵡豚

縣出香米番人所種

高枝應待鳳皇來築城敢道非吾事且覓琅玕萬箇栽時方

與君議築城事君先令栽竹爲園捐俸爲之

病起行署後小園

日出能無事風來便有情歸遲農節誤病久道心生枹屐行泥穩柳冠試沐輕園丁忘我在荒蕨任縱橫

澄臺望海

乾坤底處有端倪蒙叟難令物論齊河伯望洋休更歎可知海若亦醢雞

張瓊瑤爲予寫扶桑一幅因題其上

水國春陰護板扉仙葩合與飼蠶肥繭成如麤絲如血不

數猩紅覆地衣

牡丹祇許和酥黏金鳳惟能蘸甲尖別有風流傳荔譜赤

漿盈椀漬紅鹽

蔡君謨以藍梅浸扶桑花汁漬荔枝謂之紅鹽

千丈蟠根碧海東

十洲記扶桑在碧海東長數千丈

全勝百日半年紅紫薇

爲百日紅見宋人詩集臺郡志又以夾竹桃爲半年紅云何因却植通明殿照徹丹霞

影正中

扶桑一名照殿紅

故人幾許費燕支一幅鵝谿寫折枝我亦枯腸苦搜索爲

君拈句比紅兒

早起至船廠督挽戰艦交營

統鼓連聲接曙鐘西郊未別且從容溪流夜漲潮痕在沙

路朝晴草色濃歸興電鼉殊可駕曠懷魑魅慣相逢飽看
藏壑頻遭徙一笑虛舟任所衝

惜字歌

陳生鄭瑞居臺郡西門外平生愛惜字紙天性自
然見片楮隻字棄地必取而投諸水火每於瓦礫
中檢碎磁片有字者鐫磨去之其袖中常攜鐵鑿
一枚人或不知其何爲者今年夏余歲試校士拔
補博士弟子司訓玉君聚奎爲述其事而求詩於
予作此贈之

吾儕足傲虞姬壻識字非徒姓名記偉哉倉聖萬古功一

丁亥勝兩石弓糞土何人恣狼籍元經覆瓿不知惜世人
但晉秦始皇焚餘猶勝爲希囊何怪荒郊鬼夜哭不如飽
死蠹魚腹陳生海外守一羶抱此區區殊可憐斯冰骨朽
數千載掩骼埋胔賴生在更憐近代多好奇細書布滿著
色磁一朝失手甌墮地泥中恍惚成窑字陳生見之輒攘
臂大石粗沙競磨厲此意堪爲學子師拜經瘞筆徒爾爲
嗤他詩禮稱儒者袖有金椎祇控頤

積雨遣悶

海天風雨欲平沈六月陰涼襲葛襟溼氣朝看黃耳菌老
懷閒羨白頭禽空階久任無心滴野草偏如有意侵不是

維摩頻隱几聊將震撼試潮音

鴈來紅

三年長劍倚天東手種扶桑映日紅
數徧園中閒草木獨將心事託飛鴻

岡山道中

木杪行人度籬根稚子嬉草荒眠鹿
墮風墮掛猿枝白屋貧如許青山自
不知林端鳴絡緯能得幾絢絲

鹽水港

十月曉寒輕褰帷問去程野花檐外
朶蠻鳥樹頭聲戽地時防曬臺地鹽皆海水曬成
沙田近廢耕眼看流廊夥何時以私鹽充斥中禁

計活蒼生

斗六門至沙連堡

天將奇險界諸蠻十八重溪灣復灣負弩屯丁頭片羽裹
鹽峒女耳重鑲漩渦中有石彈子老樹根多木假山見說
桃源堪避世白波青嶂詎人間

淡水道中

牽輟疲行役肩輿得暫眠郵程榕記里番俗黍爲年鯨柱
通溝尾鯨魚尾置溝中則不淤蒙山出屋顛鄉心託飛鳥已在夕陽
邊

竹塹

淡水同知治雍正間始置

地闊洪荒近天圖渤澥寬海雲生處白山雨晚來寒但足
魚羹飯何須鰲殼冠時清息烽火有竹報平安

哭女隨珠

詎有門楣待爾強祇憐嬌小似平陽銀魚昔每從爺覓金
鹿今聞比母長幼却矍睍應夙慧貧疏羅綺尚新粧誰知
未嫁先黃土裙布無緣愧戴良

十年京國洗鉛華千里關山未見家官閣牽衣成死別鏡
臺留照剩空花杜鵑屢滴思親淚精衛難迴汎海槎一種
天涯匏繫憾層峯何處哭韓拏

立冬日張瑒瑤饋黃菊花

三年海外愁風雨九日尊前感歲華
病客朝來添白髮故人秋杪送黃花
炎方本不因人熱正色才能辟物邪
漫說小陽桃李豔幾番開落見天涯

以吳門藥酒一罍餉張瓊瑤

虛從海客話瀛洲藥物蠻方未易求
多病敢誇醫國手無功合拜醉鄉侯
嘗新紫蟹來何莫耐久黃花尚似秋
安得鳳凰臺下路君僑居金陵爲君千丈築糟邱

冬日郡郊述懷

炎徼時無準經冬未作寒
白雲蒸海熱碧樹裊烟團
曉市魚鰕賤豐塍鳥雀歡
郊西逢獵騎爲覓鹿皮冠

歲事從人間官聲轉自疑貧緣安命早病學養生遲對客
常求藥歸裝只辦詩猶餘幾兩展未了一生癡

因病得告

刷髻微星已自憐更何心事覲華顙清時多病終無用絕
域能還亦偶然半頃荒田春雨後三間老屋夕陽邊一閒
償盡平生願敢爲尊鱸效昔賢

除夕

閒愁不逐酒杯空贏得衰顏暫借紅花事尚如三月好燈
光又與一年終海山兜率商歸處香案觚棱憶夢中爲問
青春誰是伴片帆吾已約東風

甲申元旦試筆

怪道參軍語帶蠻三年魚鳥笑人頑將隨鷗下無機地已
在鴉飛不到山臺地無鴉更鼓疊催鄉夢短簿書剛了宦情閑
紫宸青瑣高寒處回首風塵愧髣斑

得告後閑居候代小牕展卷終日蕭然率成一律

藥爐茶竈小徘徊依舊埋頭故紙堆門不誰何無客到筆
非畫諾已神來真看海上生明月莫向風前奏落梅爲問
宏農坐嘯客不妨尊俎定常開時碧軒太守亦以入覲侯代

留別張瓊瑤

羣兒拍手趁山公老葛并州氣獨雄酩酊乾坤纔一馬笑

談辟易已千熊我行慣值盆翻雨君去須乘船趁風時君亦欲

附海舶下視蜉蝣何所戀願隨雲將問鴻蒙

讀畫敲詩且未休玉山猶恨不同游山在嘉義君前三年掌教玉山書院

作客千場醉萬緒榮身一夕拙各有青瑣爲故物相期白

首亦風流芽薑箭菜江南味領取歸時滿意秋

泉州道中

百里青山管送迎嬾尋翹鷺問郵程從教男子張君嗣免

得疲勞百病生

午日

競渡空佳節生還尚異鄉蛟龍雖未得蒲柳總堪傷嬾學

靈均問閒尋抱朴方
顏桐好顏色回首惜年芳
臺人午日摘顏桐花
替髻謂之龍船花
內地絕無此風

興化道中

五月吳綿未卸衣
三苗按節劇思歸
青林欲雨先通潤
白水宜耕自釀肥
款段不求沙苑騎
桔槔應息漢陰機
何須五十平頭日
始識風塵面目非
予今年四十九歲

贈章孝廉于田
君多蓄佳硯及青田壽山諸石

一室圖書靜終年
不染塵論交惟有石
養性且如醇小沼
深藏月閑花久駐
春偶來共幽賞
魚鳥若相親

予自投簪組歸心滿
石田袖藏東海小舟
壓北風顛商權

印人傳摩挹陶史編與君同結習回首漫雲烟

求是堂詩集卷十八

歸田集

涇縣 胡承珙 墨莊

小園梅花初放邀家大令玉饌小飲

游鯈依潛渦飛羽睨故林豈不樂翺泳倦矧非所任廿年
走南北鬢髮衰駸駸望洋忽回面歸岫茲息心釣游宛如
昨農圃方自今春風何時來花氣通牆陰清流帶仄徑物
化觀魚禽念我同袍者夙契如苔岑跌宕到文史披豁開
胸衿隻鷄亦成局斗酒皆可斟紅樹日以暖碧草日以深
庶茲習腰脚山澤相招尋回首人間世行路何崎嶇
春日過玉饌種松書屋因同至仙石山間久憇

不覺春將半尋春一訪君松疎猶帶雪石暖欲生雲僻處

忘時事奇情識古文

時出視所藏鐘鼎彝器

村居無限好烟景日紛

紛

無恙青山在相看白髮多把詩將老送不飲柰愁何溼磴
疑神髓虛牆託女蘿年華應倍惜從此屢經過

清明後二日烏柴看桃花

烟村盡處人家稀寒食游絲高下飛兩山夾澗白波寫一
水護田青鏡圍山前沙石通村路記取年時釣游處花枝
爛漫詫未曾恰似元都後栽樹豈知山後景更奇游人已
識蜂蝶疑周遭錦繡萬花谷拂拭珊瑚七尺枝微陰籠罩

更明眼夕陽乍露仍迷離桃花能紅李復白一半含苞笑
迎客連旬風雨未摧殘曲塢留春得天惜山童愛實不愛
花誇客熟時收百石酒人逢花興最狂胡麻未飯聞酒香
山頭藉草踏花頂舉杯吸盡流霞光廿年看花長安道釣
臺一別跡如掃京師西直門外釣魚臺桃花最盛早知家有武陵源萬事
何如故鄉好

題趙聘之靜觀圖

禪榻無風安髻絲塵埃野馬意俱遲知君自有安心法只
在焚香掃地時

知閑見地已非閑習靜言辭更可刪不用逃虛挂藜藿閑

門城市即空山

翥雲孝廉鼎元

世籍

茂才招集溪上書屋看海棠

一夕虛簷急溜懸
娛晴沙路輒於綿
遙山瀑布猶疑雪
傍

水春陰欲化烟
燕子心情憐故國
海棠風景話當年

余齋中舊

有海棠一株花時輒置酒其下今根株不復存矣

主人恰似歐梅侶
預約堆盤斫

鱸鮮

塵少車公正惘然
相逢歧路忽相牽

是日蓮浦孝廉以事他往鼎元適要於路

遂與陰晴每苦春無準
離合方知事有緣
都把閑愁銷酒

後久拚浮世付花前
明朝風雨渾難料
好囑東君莫放顛

四月五日鼎元招集半山居看杜鵑花

山青雲白處迤邐到君家換得金魚酒來看謝豹花矮盆
堆火齊虛牖納晴霞一笑朱顏在憑欄醉眼斜

夏氣連朝劇春光此地留花枝名借鳥石屋勢如樓晚色
松林寂微風桂樹幽酒徒餘興好相約會清秋

灌佛兒童笑語譁避喧一徑上山斜七年作計思栽樹

昨買

白鵝躑一株野人云須
七次栽培方成杜鵑萬里歸來爲看花盡取風光還我

輩更無別恨到天涯青鞋布襪從今始便是雲門與若耶

今春與翦雲孝廉各種盆蓮而皆不茂五月十三日

復栽紫竹一叢作此柬翦雲

汲井埋盆在自勤種花遲已過春分紅裙取醉非吾事只

合掀髯對此君

檻外牆陰不滿弓自攜畚鍤課奚童綠衣借紫眞聊爾未
要菖蒲拜下風

隔日頻澆老瓦盆捎雲心事且休論春鞭尚欲通鄰舍不
獨清陰長子孫

琴谿十里碧琅玕聞道如今斬萬竿

琴溪竹園最勝今
爲俗人盡開爲田久

客歸來書疏斷小園憑爾報平安

詩成聊復問東家可有苔痕鋤淺沙料得先生同竹醉露
枝風葉共欹斜

七夕

久病渾忘天上事多情猶結世中緣桑麻愛聽三農話瓜果間尋七夕筵夜氣涼生新雨後秋光明到小山前年來此會無他祝但要飢餐飽即眠

中元後二日同人過飲小園即事二首

病宜塵事少閑愛故人來掃徑留花當經旬曠酒杯點茶荷露滴蒸玉栗房開一夕田園話頻看折蠟煤

穿鍼纔果席剪紙又蘭盆仙佛殊多事山林得放言風傳幽桂馥雨洗古苔痕更待涼蟾滿還尋釣石溫

是日預約中秋至溪

頭水閣
小集

和玉鐺悼亡之作

東華會記共琴尊假口尋君屢啟門樂府方歌三婦豔舊

巢偏掃九重痕

丁丑君厲京師米市胡同與余居隔巷過從甚數旋散館改外掣夫人及二側室出

都今皆已悼亡矣

浮雲往事真如夢墜雨連番更斷魂漫向蒙莊

詢擊缶卅年心緒豈堪論

余元配鄭恭人沒廿八年矣

團扇燈成我亦狂

本事見前團扇曲

却看春樹到秋霜遺雛兒女

情難惹瑣事蠶鹽憶轉長萬慮祇應憑醉忘六人強半是

神傷

昨夕小集坐中六人未終悼亡者惟翁雲孝廉耳

偵春只有梁鴻好紙閣終

年對孟光

贈趙明經夏宗

校

不著元文八一家只將奇字教侯芭

君著有字書

搜羅篋衍傳

詩版

謂所刻
叔先生集

簡點餐錢付畫叉佳節乍過餘艾葉

五月
爲君

初度醉顏長好似桃花陵陽自是神仙窟暇日同君訪釣車

中秋前三日同人游石巖山夜宿圓通菴攜酒石上

飲至三鼓方罷

青山如故人別來愈久見愈親故人更比青山好贏得形
容各蒼老山中黍熟雞正肥去年故人招我歸薜蘿滿眼
不知徑松桂量身過幾圍尋山興爲清秋發况復山間好
明月林塘灩影深次寥苔磴陵虛坐超忽浮雲散盡羣峯
高夜氣一抹圍山腰露寒侵髯酒光灩大觥小勺皆能豪

十載游蹤出天外詎意今宵故人對空山舊結清淨緣好事重邀真率會山前欲別猶徘徊邱壑頗費經營才草亭一角早思構桃樹千株應補栽人生信是閑爲福有限無窮漫相逐君不見回頭歲月如轉轂昔日僧雛今老禿

十六夜集溪頭水閣玩月

清谿會雙流磐石廣百步小時騎竹馬心識此佳處傑閣臨危橋梯枕盡知數去國近廿年幾不辨鄉樹溪深石復高開勢亦非故何況閣中人那免髮垂素撫塵渺前蹤憑檻莽迴顧樵隨山影下鳥投村靄莫明月獨有情依人不改度出岫森列星穿林泫微露裊裊水石間清光若留駐

既懽故園情復愜良夜趣安用思關山秋風歎行路

九口同人登仙石山歸飲種松書屋

破例無風雨佳辰信足誇閑身銷白晝老境配黃花仙石
成終古人烟近萬家誰攜驚絕句咳唾散餘霞

社會便豐歲山居愛故人松筠裝屋古芋栗飮盤新夕照
偏宜雁秋雲每似鱗醉歸扶路穩頭上月如銀

題朱蘭坡侍講山居擁卷圖

昨日見君顏怪君較勝昔年好今日展君圖知君數腴自
有道世間供養窮百端何似看山讀書飽君昔讀書宣武
坊欲攬四庫歸巾箱君今讀書萬山裏盡日銓聲落牕紙

豈無傳呼出入從廬兒亦有圍珠繞翠喧竹絲世人所樂
吾知之以彼易此君不爲君從山林居未必憶朝市旁人
謂君可以起讀書亦期有用耳家玉鑊題詩中有勸駕語我識長安不
易屑玉堂天上真清虛壘鹽誰肯相料理憑君搜攬胸中
書在山固自佳出山亦不惡元文已滿子雲家著錄還歸
劉向閣猶憶春明借一甌風塵偏悔入山遲披圖不覺神
爲王炳燭重追年少時

臘月八日爲朱芝亭秀才六十初度

不作髯如戟逢人輒蹶然有情生佛日無急抵童年蠟屐
休論繙看囊略剩錢澤車將款段何必問飛鳶

與君成久別白首果如新精舍傳經地真堂作記人

予舊於

君家岫列軒昨屬予爲其軒記

泉甘多得壽兒好不憂貧一笑推排速宮

牆四十春

予與君於乾隆戊申同補博士弟子

久雨乍晴玉鏤約同培塿踏青歸飲梅花樹下是夜

雨復大作次日賦寄

人生無百年我輩均過半春光僅九十屈指能幾算那堪
逾四旬風雨尚凌亂白髮鏡中生綠陰樹底換小牕坐攤
書兀兀失昏旦故人昨見招欲門腰脚健陰晴未可知一
紙竟操券鳥語喧朝暾松風釋春困遙山青已重平疇碧
纔寸殘梅留餘花賴此峭寒嫩口暮生幽香霏微滿山館

歸涂月上弦驟覺雲氣變欹枕醉未醒檐溜忽如濺乃知
流光速當前貴把玩一笑天所怪偶爾適人願急起捫燭
槃索筆書此段寄語素心人此生宜自斷

清明後一日招同人飲玉蘭花下即以花瓣作餅玉
鏤有詩依數荅之

春寒猶喜在花前留得璚瓏玉樹鮮咫尺復愁風雨至好
將煎餅補天穿

紫藤纂纂憶燕京

京師藤花開日亦常以麪煎食之

廿載歸來聽賣錫合

是故鄉風味好煮茶燒筍過清明

屈指春光又牡丹調酥亦比落英餐莫嫌老缺紅綾繭終

勝何家譜食單

近游

近游無百里風雨亦相侵但覺峭寒在不知春事深鶯花
聊寫意蠶麥總關心賴是家山好何煩效越吟

旌德縣石壁道中

春陰壓山山欲低雨絲拂面風淒淒
鵲澗時聞暗泉響出谷獨有幽禽啼
谷口人家縛茅住一水彎環繞田護
幾日餘寒不出門春風綠遍門前樹
溪上看山山更背天涯歸客此初經
廿年洗盡塵勞夢記取山前飲碧亭

贈沈小宛

欽韓

司訓并憶包慎伯

世臣

孝廉計偕京

師

耳熟才名近十年相逢先問手中編

昨出示漢書疏水經補疏各種春風

砌草翻蝴蝶夜雨山城響杜鵑自有好書供下酒不妨閑

客坐無羶因君却憶襦衫侶歧路猶難似上天

有與慎伯交最久

次前韻荅小宛

五十休嗟過二年著書贏得等身編清言有味頻揮麈幽

思無端欲拜鵲雨化即看沾素練風流終覺重青氈來朝

且赴游仙約佳句相攜爲問天

同人約游樓真山

同人游樓真山放歌

我昔汎海尋蓬萊安期羨門何有哉不死之藥亦徒爾六

黿朽骨霜皚皚三年坐得重脰疾可知秦皇漢武皆愚騃
不如歸作山中客拾取荆薪煮白石身輕病退即神仙重
理平生幾兩屐偶然乘赤鯉忽復訪白龍旌陽城西一舉
首仙山樓閣來眼中彎膝一徑逐谿轉幽磴百級穿雲封
竹林空翠撲檐宇蘭本暗麝薰房櫳想見昨朝烟雨裏俯
視谿山城郭青濛濛實子明琴高公咫尺應有風雲通枝
頭一鳥作人語恍疑化鶴來相逢詎知雲濤明滅空復空
名山亦復無仙踪我儕脫落少塵事已足下陵倒景乘長
風洞天闔寂君莫恠向有樓真洞今不知所在除是虛空鮮不壞君不
見國初諸老此茶話寺僧出一卷多施愚山轉瞬百年徒

見畫

西竺禪林圖卷題後

洞天何處覓石塔竟橫陳

寺旁有卧石如浮圖形

龍象都無力文章

尚有神煑茶終日坐展卷百年人更剔殘碑讀前賢備風

因

時以續修邑志同諸君搜訪古蹟流連久之

游梓山回登姚氏文昌閣

青山不入城意似招我往褰裳試從之竟踏白雲上入寺
山轉遮賴此一樓厰遙峰橫修眉方罅布平掌樹色春已
深麥波晴更蕩魚鱗疊萬屋雉堞俯尋丈不祛塵中緣那
作天際想歸涂指傑閣飛鳥過輒仰鼓勇更一層呼吸入

清朗星辰攀楯檻雲木合岫恍回看山前路陳跡墮莽蒼
山靈呼欲磨天風掣鈴響

題方明經

維翰燒燭檢書圖

志士何愁白日速恃有焚膏夜牕續都將千古心付此一
條燭燭花怒與心花開眼光高出燭上來長筵不遣照歌
舞一種蠟淚牆陰堆君家隱龍名山讀書宅萬卷圍身坐通
夕閑中有味是三餘誤處頻思眞一適君不見宋子京上
元佛寺餐寒齏攜書夜就青琉璃一朝奉勅撰唐史兩行
紅燭如椽題後日豪華何足論讀書已足平生願但得書
高一尺燭一寸好書未終莫留燼

題唐豐谿處士呂從慶詩稿後

廣明天子下殿走契窳食人如雞狗血污中原歸不得結

茅甘作豐谿叟白馬一夕屠清流物外幽人得天壽風塵

不到釣魚磯留得詩篇卅五首詩中自比陶柴桑御風欲

造星辰旁

處士題金鼇山句

想見編年紀天祐眼底詎復知朱梁

風月村烟雲社落落天機任陶寫占奇何必羨方干

徐天祐方

干島詩占得鏡中奇絕處祇緣身值廣明時

作傳空煩有舒雅人疑處士如神

仙豐谿即是桃花源我來谿上問釣竿神仙眷屬猶蟬嫣

抱詩示我近千載清風颯颯生遺編百家衆妙搜輯不到

此會須更後三千年

爲玉鑊大令題松下讀書圖

圖係君少
日所作

鬱鬱澗底松自具干霄勢松間讀書人本有經世志松身
老作支離疏讀書之人今著書圖中尚作少年相松已蒼
鬚人白鬚讀書宜少年著書應待老世間萬事非草草種
松有訣書有道燒松子餐松花清雋不拾人齒牙松生滿
谷書滿家縱使垂金揭玉何足誇憶昔尋君種松屋垂老
偏同返初服待君書成我能讀也似松風耳根熟

五月四五等日子與玉鑊相次招飲玉鑊有詩即用

其韻

綠陰村巷鎖相連互約佳辰破塊錢期集更無生客座醉

醒剛度熟梅天杯觴到手空浮蟻花鳥關心愛杜鵑

昨在玉鏤

山齋終日聞子規聲而徹館杜鵑花亦正放

驟雨清風皆有意歲華何事不堪

憐

爲崔伯升學博

騏

題其尊人丹崖遺稿

卅六峯前客長爲抱鄴陰棲遲千里志牢落一生心清澗
頻中酒成虧不鼓琴寥寥冰雪意何必問知音

采藥龐居士修真孫隱君鹿門無限好鳳吹有時聞苦語

懲龜手

謂所著覆車懸鑑極言俗賢之弊

殘編輯蝨文

所著悔生齋文乃伯升輯存者僅什

之一

家風知不泯珍重水亭雲

玉鏤招集古方家園看蓼花以三絕句索和依數答

之

絡緯鳴秋一徑斜
秋光只合屬山家
誰知蜀黍戎葵外
古屋無人尚蓼花

不是張融岬上舟
水荇何事出牆頭
求田問舍仍高意
誰

要劉郎百尺樓

玉鑊將於此築室故云

故國秋瓜種欲成
江花江草見應生
無端却被催詩句
觸天涯甘載情

中秋前一日半山居看桂花賦贈鼎元茂才

山村高下秋光濃
出門滿路聞香風
尋香一徑入松竹
小山幽處淮南叢
就中一株更麗艷
最清陰罩定百間屋
聞道

花開香破山牆頭幾尺堆金粟主人開筵惟恐遲花雖未

盛香動枝平生所見萬萬本除却善卷無此奇

善卷村在常德府桂

樹最大

明月連宵已如鏡自是高寒有本性不經冷露與清

風殘暑未銷那肯盛馬塍窖法誇燕臺獨能不共瘡花開

見癸辛雜識

朱門一樹僅如指鄭重欲把金盆栽怪爾腰圍大

幾許託根竟免同梨災

園中梨樹今夏爲風所拔

不眠吳質漫相笑自

古山中多散材

陰雨連旬中秋已過玉鑊招集桂花下

久雨妨佳節輕風作

去聲

晚涼拚將明月色換得好秋光樹

寫團欒影花薰篤耨香兩番休更較

時桂花已開第二次

一醉總堪

償

碧色連松徑黃雲接稻村陰濃剛覆席香重欲遮門幽谷
寒蟬急深叢野雀喧粗知無隱理久坐轉忘言

鼎元送折枝桂花

採花纔識一分秋十日金飈鍊作毬乞取天葩自供養枕
函衣袂盡風流

一枝宛爾見全身金粟如來妙入神他日相逢應小異衆
香國裏住經旬

九日仙石山登高

青天一握山四圍山風叩石開岩扉林深無塵坐隨意有

扇不遮西日輝微紅萬樹逗霜影淡白一線縈烟霏重陽
故事此登陟去年風景殊依稀石上莓苔舊印屐樹根薛
荔新牽衣吾儕聚散亦天意青山白雲無是非神仙之樂
樂何似但取散誕忘銜轡况復江鄉屢豐稔白酒正熟黃
鷄肥既飽歡娛亦蕭瑟杜句月出自向山前歸君不見南海
鯨波沸戰艦西涼虎旅懸鈴旂復聞秋風下河決流離滿
路皆寒饑何人畚鍤脚不襪對花把盞應歔歛登臨咫尺
力已倦老矣空山甘息機

翥雲移居戲贈

君家舊居苦迫狹每被比鄰惱鵝鴨曲巷偏從溷圜過小

亭半被茅柴壓一枝殊未穩鷓鴣五夜空聞喚鷓鴣三千

里乍轉驢磨十八年纔熟羊腍

君舊居賃住十八年今計借初歸其屋已爲人所買

矣等閑梁燿是備春隨處劉伶堪荷鍤詎知爽塏十倍勝

容得團樂一家恰攜將蠟屐便登山快似扁舟初出峽門

外層田象作梯雨餘流水清堪聞地偏場圃儘多閒市近

盤殮頗不乏况聞苜蓿盤闌干即見槐陰牆岌業

君以謁選當得

博學宛邱學舍任打頭司業酒錢供腐脇醉鄉滋味獨能知

仕路風波不須怯此時且作隨人計他日終當用我法但

求茅屋覓石田早東琴囊拾劒匣甌中多秫已如陶架上

有書何必鄴久眠林下夢都輕始信塵中脚難插未能旋

馬拓廳事祇備租牛署券押待君歸日聊相羊把酒看花
同一呬

冬日同方明經

維翰

汪秀才

源

呂秀才

偉山

登霞谿

水閣

衰柳長隄繞郭彎偶凭高閣出塵闌沙明迴劃雙橋水木
落平看四面山歲莫懷人頻入夢

謂沈小宛學博春日會同登此

天空飛

鳥獨知還春光瞥眼成蕭瑟惟道重來髩易斑

旌德宋烈婦

石闕銜碑古井深空房絕粒淚盈襟孤皇不恤長飢苦弱
草原無獨活心自以清虛歸淨域羣將堅忍比貞金柳山

峻極梅谿冷杯土從教過客飲

歲莫詠物

門神

度朔知何處圖形尚執戈功名終歲短面目傍人多舊夢
聽魚鑰閒情看雀羅會無生客到不用爾誰何

春帖

采筆干霄氣何如里塾師三錢渾不值兩字恰相宜久逐
桃符退新從板屋施猶憐燕市好花樣紀干支

京師人家
春聯多取

本年干
支作對

年餅

團圓名自美，沛稔雜吳杭。設豈同寒具，翻應趁熱鐺。歸餘

成故實

俗以年餅祀神，遇閏月則十三枚。

餽歲亦人情，信是豐年樂。兒童

了不爭

竈餽

詎有黃羊祀，貧家只辦香。比鄰分酒盞，老婦拜鐙光。肯爲
簫聲媚，聊隨鏡聽忙。膠牙渾不用，吾自對穹蒼。

紙錢

百萬兼千萬，黃標復紫標。滿將神庫貯，高入紙盆燒。手攬

霄馨冷，魂依阿堵驕。橫鑪三十具，一例撥灰銷。

爆仗

年光渾易盡尚著此聲催破曉驚幽魅先春起蟄雷中宵

烟火發萬戶建章開

宮中自封置後凡

御駕臨

圓明園放烟火至

辛每至一門輒放爆仗又元夕

駕仿佛釣天夢茅檐却話來

竹馬

瓦狗泥車罷還能劈篠騎送迎銷宦夢光景憶兒嬉手弄

青梅子行歌黃竹枝深源甯作我那肯拾人造

泥孩

補天誰妙手餘事且搏黃造物嬰媿相人間傀儡場笑啼
空面目機巧漫心腸尚自嗤桃梗相看孰在亡

壓歲錢

百日能無澤年頭博喜歡畫叉頻夕取撲滿幾回看鄭重
青銅選商量白晝攤諸孫羣繞膝破却老夫餐

迎年鼓

鼕鼕秋社後送臘又傳聲似報千門啓還催百草生近隨
街柝急遙和寺鐘清莫笑朝參嬾猶能祝太平

京師有
太平鼓

吉祥花

整整復斜斜工疑出內家殘年偏絢爛儉室亦繁華銅盃
請天供銀燭一笑譁誰知瀛海外蓮菊是真花

安樂茶

送老齏鹽富佳名占一窩清宜書味足淡覺道情多潑散

留歡在

淮南人家歲莫哀集曰
潑散見韋蘇州詩集

屠酥奈後何青絲將白玉

贏得醉顏酡